

### 3. Pawlpi Sunga Thuneihna

Laisiangtho bulphuhte:	Heb. 13:7-17	Eph. 4:7-6	1Pet. 5:1-5
	Rom. 12:4-8	1Tim. 5:17	1Tim. 3:1-13
	Rom. 13:1-7	1Thess. 5:12-13	

#### b) Thupatna

Zeisu in Ama pawlpi a puh ding gen hi (Matt. 16:18). Zeisu Khazih in hih pawlpi-ah makaite ahi ding in "letsongte" pia in mite a teelna Pawl hong hihcian a, tua mite in:-

"...tuante in Khazih pumpi a khansuah theih nadingin Pasion mite na sem dinga a bawlkholhna ahi hi. Tua in eite khempeuh, tua upna le Pasion Tapa theihna ah khat i suah a, Khazih kicinna zahzah a i picin mateng a ding ahi hi." (Eph. 4:11-13).

Topa Zeisu in tua mite pen pawlpi adingnasemte bangin pia hi:

- Pasion Gam sunga nasemding in thu-um mite bawlhohi ding leh bawlkhol ding.
- Pawlpi kilam toh nading leh mimal mahmah-a khangsak ding.
- Mimal leh kipawlkhopna ah thu-um mite a picing sak ding.
- Upna sungah pawlpi pumkhat suaksak ding.

Pawlpi pen a makaite paina peuh-ah pai-in, a makaite hih bang hong hih dinguh hi. Makai hihna pen pawlpi gamtangsak ding leh hih leitunga Pasion ngimna a lawhcin nading in letsong tuamtuanmte tawh makaite pawlpi in kisam hi. Makai khat in ama thu in hih sem theilo a, khua pawlpi nangawn piangsak theilo hi. Makaite in tuante pen amau kepna mun ah a tunsak theih ding kisam-a, tua mun ah:-

#### i. Tua bang mite pen:

- khat le khat mawh kipua, kidon kikem in kipanpih uh hi.
- dai in, kho a, ki-ap in kipak hi.
- Khazih sungah bit in kicinghi.
- lampi khempeuh-ah Khazih sungah khangto in, mi khatciat in amau mun leh letsong a ngahna mun vuah kithutuak in kizomkhawm kilentuahkhawm uh hi.

#### ii. Tua mite hici nawnlo uh hi:-

- naupang vai, antulh in kivak leh angung deihna bek nei.
- kha nuntakna ah belhcep, tanglo, kikhinlo.
- lunglutna leh lawpna tuihualte in mutsuk mutto in, lungmuanna leh kho-na nei lo.
- thuhilhna huihnung khempeuh in mutsuk mutto hi.

#### c) Khalam Thuneihna leh ki-apna

1. Zeisu Khazih pen Topa hi a, Pawlpi lutaŋ hi (Eph. 1:22-23).

Pasion in leitung vantunga thuneihna khempeuh Zeisu pia khin zo hi (Matt. 28:18). Tua bangmah in Zeisu in Ama pawlpi sungah kha lam-a a cing makaite tungah a thuneihna hawmkhia hi. Hih makaite khatpeuh in a neih thuneihna pen a kipia thuneihna hi a, pawlpi sungah nasemte bangin na sem in, etteh ding in makaih dinguh a, tuunote tung ah to semlo dinguh hi (1 Peter 5:1-3).

2. Makaite thu i man ding leh i ki-ap ding Pasion in hong sawl hi (Heb. 13:17; 1Tim. 5:17). Hih pen eite in bangmah cih theih neilo ihih manin i makaite gen bangbang pumman keina tawh ki-apna vangikipi cih bang hi lo hi. Tua sangsik in Pasion mai-ah i makaite man theihna leh amaute zahtakna tawh a piangkha ki-apna hizaw hi. Makaite in mawhpuaq a neih na uh, pawlpi tungah itna taktak leh kepna donna a

neih dinguh ahi hi. Pawlpi hoihpen nading a sem thei dingin makaih dinguh hi. Pawlpi mite in makaite thugen ngai-ina makaih bangun gamtang dinguh hi. Banghang hiam cihleh, tuate in a makaite tungvuah Pasion kammal za in, thei uh a, ki-ap uh hi.

3. Ki-ap na pen lungsim puak hi a, sal, nasem dinmun hilo hi. Ki-apna pen, na makaite kepna, hutna leh lamlahna nuai-ah utna tawh na kikoihna hi. Pawlpi mite in na khatpeuh sem dingin zawhthawhthu-in kisawl thei lo hi. A hizongin makai khat ii khalam thuneihna nuai-a omte in zong thu neihna ngahkik uh ahih man un, hih ki-apna in thupha lian zong tungsak hi (Matt. 8:9).

**d) Na makaite Bang a ci ding in Lamem na hiam?**

- Pasion kammal tawh a nungta, a gen/a hillh mite (Ezra 7:10). A tawpna-ah makai khat thuneihna pen amaute nuntakna leh nasepna-a Pasion kammal thuneihna bek hi.
- A nuntakzia uh thumaan, lawhcing leh etteh takcinga kimu thei mite (1Tim. 3:2-5).
- Upna nei mite. Hihbangmitein a etteh tak cing leh pawlpi-in a muan leh a zuih theih Pasion sungah upna nei uh hi. Mikhat pen thu omlo pi-in tuucing hi thei lo hi! (1Thess. 1:6; Phil 3:17).
- Amau mawhpuakna a kin a encik mite leh amau hoih nading leh khantoh nading Pasion tawh a kithutuakte ahi hi (1Pet. 5:2-3).

**e) Pawlpi in Makaite tawh kisai Zeisu in bang lamem hiam?**

- Amaute in a makaite tungtawn in Pasion kammal za in, thupi ngaihsut leh aituam lak dinguh hi (Rom. 10:15-17; 1Thess.2:13).
- Amaute in a makaite uh lim zui dinguh hi (1Thess.1:6).
- Amaute in a makaite thuneihna nuai-ah kiniam khiattak in ki-ap in thumang dinguh hi. Pawlpi pen mimal khatciat nuntakna ading Pasion geelna sungah a nungta ding ahihman in, hih pen pawlpi metna hi ding hi. Pasion in makai hihna pen mun masa-ah lamto hi (Rom. 13:1-5). Tua hi a, eite tunga thunei dinga Pasion laptohsa mite tungah i ki-ap ciangin, Pasion tung mahmah ah a ki-ap taktak i suak hi. Pasion in thuneihna khempueh nei a, makaite a laptohsa ciangin tua thuneihna tuamkhat a hawm hi. Tua hi a, tua thuneihna a piak sa mite tungah thu i manh ding pen Pasion tung mahmah ah i thuman zah tawh kibangin kisam hi. Eite tungah mawhpuakna hong nei mite pen lungdamna tawh sang in, vangik banga i muh loh ding ahi hi. Hih pen amau thuneihna i sanna leh tua tungah ki-ap-a nuntakna tawh sem thei hihang (1Pet. 5:5-6).

Ahizong in, Pasion in thuneihna a piak mite in, na khatpeuh hong semsak in tua pen eite sep dinga Pasion hong deih tawh a kitukalhna i theih leh, thuneihna a sangzaw Pasion leh a kammal mang zaw ding hihang.

- Tuate in amaute makaite, a nasepte uh leh a innkuan pihte ading in thungetsak dinguh hi (Rom. 15:30; 2Thess. 3:1).
- A makaite uh hoihtak dawn in, ki-it leh ki-uap hi cih theisak dinguh hi. Na makaite pakta in, zahtakna leh sansakna pia in (1Thess. 5:12-13).

*"Note tunga Pasion thu hong gen na makaite uh phawk gige un. Amaute nuntakzia pan a hong piangkhiate phawk gige un la, amau upna etteh un. Na makaite uh thu mangin amau thuneihna-ah na ki-ap un. Amaute nasepna a pulak pelmawh ding mi bangin note hong vil uh ahi hi. Amau nasepnate ah vangik suak lo a, lungnop na a suah nading in amaute thu na mang un; a hang in, tua hi keileh no ading in a phatuam kei ding hi."* (Rom. 13:7-17).

f) **Makaite Mawhpuak**


Makaite in mawhpuak lian khat nei hi (James 3:1; Ezek. 33:6; Heb. 13:17). Tuuhon khempeuh in tuucing kisam hi (Num. 27:16-17). Tuucing pa-in a tuuhon koici makaih ding cih a theih ding kisam-a, hawl lo ding hi (Gen 33:13-14). Pasion mite a cing tuucingte in Pasion gelnate leh ngimnate sungah a tuuhon a makaih theih na ding in tu ni in Pasion gen thuman thutak a theih ding kisam hi.

Tuucing pa in pello in:-

- Supna, do na pan-in a tuuhon muanhuai in kem ding hi. Keivom (Satan) in khemna tawh tuuhonte a tuam om ding hong hanciam ding hi. Tua pan zong ding dal dingin tuucingpa a om ding ahi hi.
- Pawlpi lutang Zeisu tangin thuneihna leh khalna pia ding hi.
- Khat le khat leh Pasion tawh a tonkhop theih nading un a tuuhonte khen siam ding hi. Pawlpi-in, amaute bangmah hihlohna, kiphatsakna, amah leh amah thupi kisakna, tangtatna teh hoih kisaknate a paikhia Christian-te kisam-a, tua sangin a deidei in kikhen in a kikhenlo thumaanna nei dinguh hi.

g) **Pasion Gam Sunga Thupiak Kizopna**

Thum-gawm Pasion  
Pa in Pawlpi lutang dingin  
Zaisu koih a, Khasiangtho  
tungtawn in Pawlpi  
tengah mite letsongte pia  
hi (Eph. 4:11-13)



Nungzui	Kamsang	Evangelist	Pastor	Thuhilhsia
(Pawlpi sungah bulkip dinmun phah dinga a kisawlpaw 1Cor. 3:10)	Pasion gelnate mu in, Pasion kammalte a gen, mangmuhna a pia)	(Lungdamna thu a gen, a mangte a zong, cinate a damsak)	(Tuuhonte makaih a, a vak tuucing)	(Nuntakna ah Pasion kammal a zanga, thumang dinga a hanthawn)
Heb. 3:11	Lk. 24:19	Matt. 4:23	John 10	Matt. 7:28

Khasiangtho tawh kiphumna a ngah khinsa Khazih pumpi nate khempeuh in Khasiangtho in ama khensat banga a piak letsongte ngah thei uh hi (1Cor. 12:7-11).

Zeisu pen hite khempeuh hi

Hih a tungate pen pawlpibup ading nasepnate hi. Tuate in khua pawlpi sungah lutsak in a kxanthohna ding thapia hi. Tuate pen a zaizaw pawlpi ah zong kipia a, tua lai munah zong nasepna leh nuntakna puak ding hi.

Upate leh upa neute in khua pawlpite ading nasepna hi.

Upa hihna

khalam muhna- Act. 14:23  
ITim. 3:1-7

Upa neute sepkhiatpahna Act. 6:1-6; ITim. 3:8-13

Mipi nasepna

- Kamsanna
- nasepna
- thuhilhna
- hanthotna
- Midangte kisapte hawpna
- makaihna
- Hehpihna

### h) Dotnate leh Kikupkhopnate

1. A sangzaw thuneihna nei kua hiam: Pasion maw, a thuneihna a hawmsakte? Tua hi a, hih thuneihna hih kikal-ah kitukalhna hong om leh kua thu mang zaw ding na hiam?
2. Khazih pumpi sungah midangte hillh nuam in amau'na i sepsak nuam mahmah ding hiam? (James 3:1), Hihte i sep teh i lungsim puak bang hi ding a hiam? (1Peter 4:11).
3. Na khua pawlpi sunga makai sepna-ah ki-ap ding leh zuih dinga hoih na sak leh haksa nasak a dang thute om kha ding hi. Kam kum in! Kikhel ding a kisam na makaite khatpeuh tawh lungsim puak buainate na neih a om hiam?
4. Bang hangin thuneihna nuai-a om mite in thuneihna a nei kisa uh hiam? (Matt. 8:5-13).
5. Makai dingin na ngim leh 1Tim. 4:12 sunga tawh kibang etteh ding khat na neih kul ding hi.
6. Na makaite in nasia tak leh mimal-a hong gen khatpeuh na sem hiam? Na sep ding a kilawm hiam?
7. Na makaite thuneihna nuai-ah kiniam khiat tak in ki-ap in, amaute zia na tel hiam? Na hih keileh, banghang hiam?
8. Amah tawh na tonkhopna-ah Pasion in santakin hong mu diam? Tua hi a, na makaite in, nang ading khensatna khempeuh hong neihsak hiam?
9. Na makaite leh a innkuante ading thungentsak in pahtakna pia in na zahtak hiam?
10. Na makaite a ding in vangik nahi hiam aih keh lungdamna nahi hiam?
11. Tuuhon makaihna leh hawnate kilamdanna bang hiam?
12. A kisap cianga Pasion zia-a puahphatna leh khalna a pia nuam makaite Khazih pumpi ah a kisam hiam?

### i) Tomlakna leh Zatpahna

1. Zeisu pen Pawlpi lutanghi a, hi leitung ah hih pen Ama pumpi ahih man in hih tungtawn in hoihtak-a na a kisep ding Pasion in ngim hi. Tua hi a, Ama lutang hihna nuai leh eite tunga Topa hong koih mite nuai-ah i ki-ap ding kisam hi.
2. Makai khempeuh pen Zeisu khualna in Khazih pumpi nasepte ahih ding kisam hi (2Cor. 4:5)
3. Zeisu in Ama thuneihna palai-in Pawlpi sungah makaihna koih-a, Ama nasep a kizopna leh ama nuntakna pu lakna hi.
4. Pasion pawlpi mite in a cihtak ding leh Pasion mai-ah amaute adinga mawhpauakna a nei a tuucingte tung vuah a ki-ap dinguh kisam hi.
5. Khazih pumpi sunga makaite in mimal leh hoihna lam ah pawlpi a khantoh nading hih thei dinguh hi.
6. Pasion makaihna nuai-ah i ki-ap ciangin, galte kiang pan in eite hong kihu hi. Banghang hiam cihleh makaihna pen eite ading khalam kidalna hi ding hi.
7. Khazih pumpi nate i hihmah bangin Pasion leh ama koih makaite tungah dinmun i kikhen ding kisam a hong lamlah bangin gamtang in ama minthan leh Ama Gam zaina i tunsak ding kisam hi.